



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Cap. LXVII. Ecclesiasticorum Inscitia Deo Displicet, & ab eo punitur.

urn:nbn:de:hbz:466:1-42349

*Christus Do-
minus scien-
tiam à Cle-
ricis requirit*

§. Rursum Dominum appellat Moyses Deut. 33. v. 8. in benedictione Leui: *Perfectio tua & doctrina tua, viro Sancto, quæ probasti in tentatione subaudi detur, magna n. virtus & eruditio Sacerdoti est necessaria. quod & Saluator indicat Matth. 24. v. 45. & 46. Quis putas, ait, est fidelis seruus & prudens, quem constituit Dominus super familiam suam, vt det illis cibum in tempore? Beatus ille seruus quem cum venerit Dominus eius, inuenerit sic facientem. Requirit Dominus famulum, qui non fideliter tantum, sed & prouidè sapienterq; commissum munus administret, vt intelligat quid, quantum, quo tempore, modo, loco cuiq; tribuendum sit, & quoduis aliud Ecclesiæ negotium bene gerendum & transigendum, quod & absq; singulari Philosophiæ, Iurisprudentiæ vel Theologiæ speculatricis scientia fieri potest, vbi proboviro, magister rerum vsus & boni communis studium adfuerit, quales in Ecclesia cum utilitate Ecclesiæ plures extiterunt. Anacletus epistola 2. ad Episcopos Italia, & habetur distinct. 85. cap. 6. Porro Moyse præcipitur Num. 11. v. 16. Vt eligat Presbyteros, id est, Seniores. Vnde & in Proverbiis dicitur cap. 20. v. 29. Gloria senum est canities. Hic vero canities sapientiæ designat, de qua Scriptura est Sap. 4. v. 9. Canities hominum prudentia est. Non ergo propter decrepitam atatem, vel senectutem, sed propter prudentiam Presbyteri nominantur.*

C A P. LXVII.

*ECCLESIASTICORVM INSCI-
tia Deo displicet, & ab eo puni-
tur.*

§. **V**T à rerum sacrarum cœlestiumq; ignoratione longius absint, quod mirum in modum ea in Sacerdotibus & Clericis Deo displiceat, considerent
Leuit.

Leuit. 10. v. 1. Nadab & Abiu Aaronis filii recenter Sacerdotes creati, siue ex inscitia siue ex incuria alienum offerentes ignem, igne ab altari diuinitus profiliente interfecti sunt. 1. Reg. 2. versic. 12. Porro filii Heli filii Belial, nescientes Dominum, neq. officium Sacerdotum ad populum. Sed quid accidit? Eodem lib. cap. 4. ver. 11. Et arca Dei capta est, duo quoq. filii Heli mortui sunt, Ophni & Phinees. Sed & Heli ipse cui exprobrauerit Deus 1. Reg. 2. v. 29. Quare calce abiectis victimam meam, & munera, quae praecepi, ut offerrentur in templo & magis honorasti filios tuos, quam me, cecidit de cella retrorsum iuxta ostium & fractis cernicibus mortuus est, 1. Reg. 4. v. 18. Isa. 28. v. 7. Sacerdos & Propheta nescierunt praebricitate, ignorauerunt iudicium. Hicrem. 2. v. 8. Sacerdotes non dixerunt, Vbi est Dominus? & tenentes legem nescierunt me, & Pastores praeuicati sunt in me. Ezech. 22. v. 26. Sacerdotes eius contempserunt legem meam, & polluerunt sanctuaria mea: inter sanctum & profanum, non habuerunt distantiam, & inter pollutum & mundum non intellexerunt, &c. Hosea 4. v. 6. Quia tu scientiam repulisti, repellam te, ne Sacerdotio fungaris mihi.

§. Concil. Tolet. 4. cap. 24. & habetur dist. 38. c. 2. Ignorantia, inquit, mater cunctorum errorum, maxime Sacerdotibus Dei euitanda est, qui docendi officium in populo Dei susceperunt. Sacerdotes legere sanctas admonentur Scripturas. Paulo Apostolo dicente ad Timotheum, 1. Tim. 4. v. 16. Attende lectioni, & exhortationi doctrinae, & semper permane in his. Sciunt ergo sacerdotes scripturas sacras & canones, & omne opus eorum in predicatione & doctrina consistat: atq. aedificent cunctos tam fidei scientia, quam operum disciplina. Et S. Leo Magnus, ut habetur ibidem c. 4. Si vix in laicis videtur intolerabilis inscitia, quanto magis in his qui praesunt, nec excusatione est digna nec venia. Similiter S. Augustin. de poenit. cap. 20. & habetur de poenit. c. 1. Qui vult §. Caueat spiritualis iudex, ut sicut non commisit crimen nequitiae, ita non careat munere scientiae. Oportet ut sciat cognoscere, quicquid

li debet

debet iudicare. Iudiciaria enim potestas hoc postulat, ut qd debet iudicare discernat. Et Ildorus l. 3. de summo bono. c. 35. Sicut, inquit, iniqui, & peccatores ministerium Sacerdotale assequi prohibentur; ita indocti, & imperiti, tali officio retrahuntur, illi enim exemplis suis vitam bonorum corrumpunt; isti vero sua ignavia iniquos corrigere nesciunt. Quomodo docere poterunt, quod ipsi non didicerunt? desinat locum docendi suscipere, qui nescit docere. Cæcus enim si cæco ducatum præbuerit, ambo in foveam cadunt Matth. 15. Et S. Chrysost. homil. 10. in Matth. Boni, inquit, Sacerdotis conuersatio sine verbo tenet quidem Sanctos in sanctitate per suum exemplum, adducere autem ignorantem ad scientiam veritatis non potest. Sanè vetustissimus & doctissimus Origen. hom. 2. in Leuit. ait: Obseruandum est, quod in peccato Sacerdotis non addit Legislator: quia per ignorantiam aut non voluntate peccauerit. Neq, enim ignorantia cadere poterat in eum, qui ceteros doceret, prouectus est. Gelas. epist. 1. per Lucianum c. 18. & habetur dist. 36. c. 2. Illiteratos, inquit, aut aliqua corporis parte vitiatos vel diminutos nullus presumat ad clericatum ordinem promouere, quia literis carens non potest aptus esse officiis, & vitiosum nihil prorsus offerre Deo legalia præcepta sanxerunt.

§. Eandem omnino rationem adducit S. Hierony. epi. 103. ad Paulinum. c. 4. Sancta, inquit, rusticitas solum sibi prodest, & quantum edificat ex vita merito Ecclesiam Christi, tantum nocet, si destruentibus non resistat. Daniel in fine sacratissima visionis iustos, ait, fulgere sicut stellas, & intelligentes, hoc est, doctos quasi firmamentum. Vides quantum inter se distent, iusta rusticitas, & docta iustitia? Alii stellis, alii celo comparantur: quanquam iuxta hebraicam veritatem, utrumque de eruditis possit intelligi, ita enim apud eos legimus Daniel. 12. Qui autem docti fuerint, fulgebunt quasi splendor firmamenti, & qui ad iustitiam erudiunt multos quasi stella in perpetuas aternitates. Cur dicitur Paulus Apostolus vas electum? Nempe quia vas legis & S. Scripturarum armarium est.

*Virtus sine
scientia mi-
nus Ecclesia
utilis.*

*Apostolus
Scriptura
sacrarum.*

Iterum

Iterum S. Hier. epist. 83. ad Oceanum c. 4. & habetur dist. 43. c. 1. Quod autem doctrina à Sacerdotibus exspectatur, & veteris sunt præcepta legis, & ad Titum plenius scribitur. Innocens enim & absq. sermone conuersatio, quantum exemplo prodest tantum silentio nocet: nam & latratu canum baculoq. pastoris luporum rabies deterrenda est.

§. S. Gregor. libr. 2. epist. 25. & habetur. dist. 34. c. 11. Præcipimus ne vnquam ignorantem literas ad sacros Ordines permittas accedere. Et 1. p. Past. c. 1. idem S. Pontifex & habetur dist. 38. c. 11. Qui ea, quæ sunt Domini, nesciunt, à Domino nesciuntur. Paulo attestante, qui ait 1. Cor. 14. v. 38. Si quis autem ignorat, ignorabitur. Quæ nimirum pastorum sæpè imperitia meritis congruit, sæpè subiectorum: quia quamuis lumen scientiæ sua culpa exigente non habeant: districto tamē Deū iudicio agitur, vt per eorum ignorantiam, hi etiam qui sequuntur, offendant Matth. 15. vers. 14. Si cæcus cæco ducatum præstet ambo in foueam cadunt. Hilarius Papa cum Synodo Romana c. 3. & habetur dist. 55. c. 3. Pœnitentes & inscii literarum aut aliqua membrorum damna perpessi ad sacros ordines aspirare non audeant. De hac materia tota est distin. 59.

CAP. LXVIII.

CLERICVS NON SIT SIMVLATOR & fallax.

§. Capitale simulationis & fallaciæ odium contineant, vt omnia sincerè, simpliciter, candidè, nihil veteratorie & subdolè agant & tractent. Recto pectore quod probandum probetur, & improbandum improbetur. Veritatis est simplex oratio non fucata. Hoc non solum ab Episcopis & Sacerdotibus, sed etiam ab ipsis Diaconis & reliquis Ecclesiæ ministris exigit Apostolus 1. Timoth. 3. vers. 8. Diaconi, ait, Similiter pudicos non bilingues non multo vino deditos non turpe lucrum sectantes. Non sint bilingues, hoc est, inquit